



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1719. usque ad annum 1720

Fleury, Claude

August. Vind. [u.a.], 1782

VD18 13322648

§. 29. Aliæ pacis negotiationes.

[urn:nbn:de:hbz:466:1-67659](https://nbn-resolving.org/urn:nbn:de:hbz:466:1-67659)

Sæc. XVIII.
A. C. 1719.

§. XXIX.

Alicæ pacis negotiationes.

Lafiteau l. c.
pag. 166.
Vid. Pag.
§. 17.

Interim Abbas du Bois conciliationi nuper propositæ executioni sedulo incumbens, spe fretus, quod si Cardinalis Noaillius explicationes, quæ Parisiis conficiebantur, rejecturus esset Rex, Regnique Regens eum Canonum severitati permissurus foret: Horum quæ agitabantur, ignarus Cardinalis Tremollius, aliud conciliationis medium excogitabat; cum enim probe cognosceret, quod Noaillius nil nisi Bullæ explicationes vel a Papa datas vel ab eo approbatas peteret, hinc ipsemet Bullam explicare statuit, & Pontifice consulto, imo etiam has explicationes tanquam genuinum Constitutionis sensum exprimentes approbante eas unacum mandato, & Pontificia approbatione in sua Cameracensi Diocesi promulgare decrevit: si ergo Noaillius has explicationes sic a Papa approbatas adoptaverit, & taliter Constitutionem receperit, totum dissidium feliciter diremptum iri sperabat Tremollius. Hoc suum itaque consilium exposuit summo Pontifici, qui etiam dilaudatum hujus Cardinalis studio declarabat, quod si suum mandatum tali modo, quo firmam

Sedi Apostolicæ & Noaillo satisfactum Sæc. XVIII.
esset, conficere posset, nil propius esse, A. C. 1719.
quam prosperi successus felicitatem: Id
quidem Tremollius summa confidentia
sibi pollicebatur; Pontifex tamen binas
exegit condiciones, quibus non adim-
pletis hæcæ explicationes approbare
haud posset; prius enim hæcæ explica-
tiones examini, & doctiorum iudicio,
an reipsa Pontificia approbatione dignæ
essent, relinqui petiit, ac demum sibi
idonee caveri postulavit, fore, ut hæc
Pontificia explicationum approbatio sin-
ceram certamque Constitutionis acce-
ptationem a Noaillo impetratura foret.
Has condiciones absdubio impleri con-
fusus Cardinalis, rem aggreditur, jube-
tur a Papa desuper cum Cardinalibus
de Iudice, & Cassonio conferre, ac
tandem ejusmodi explicationes per Ab-
batem Conti seu de Comitibus Missio-
num Sacerdotem confici, & a doctissi-
mis Viris examinari curavit, quas etiam
Clementi XI. die decima quinta De-
cembris obtulit: Verum Pontifex duo
majoris momenti capita, quæ carpe-
ret, offendit, ac primo quidem, quod
cuilibet propositioni assignatus fuerit
unicus sensus, in quo ea in Constitu-
tione damnata dicebatur, proin omnes
alii sensus, qui per Bullam fuerant
damnati, excludi videbantur: alterum
Hist. Eccles. Tom. LXX. R erat,

Sæc. XVIII. erat, quod non semper magis proprius
A. C. 1719. & naturalis cujuslibet propositionis sensus fideliter fuerit determinatus, pronus facile appellanti cavillandi anfa relinqueretur, perinde ac si sensus proscriptus non esset verus libri & propositionum sensus: Ambos hosce defectus Cardinalis Tremollius emendaturus, scriptum composuit, illudque summo Pontifici unacum epistola, in qua suum mandatum approbari rogabat, consignare statuit; morte tamen præventus hoc suum consilium exequi non potuit. Mandatum vero suum cum explicationum typo Parisios per Abbatem Conti, qui sexta Januarii profecturus esset, transmittere decrevit. Priusquam vero Abbas adventasset, jamjam Abbas de Bois suas explicationes unacum Marcellino Episcopo Claromontano, P. de la Tour Congregationis Oratorii Generalis, & Abbate Coveto consecratas easque ab octoginta Episcopis ac præcipue Rothomagensi, Sennonensi, & Narbonensi approbandas ad Regni Regentem detulerat: Die autem vigesima tertia Novembris præfatus Generalis illas Cardinali Noaillo exhibuit, qui tamen respondit, se suam desuper mentem non declaraturum, nisi prius illas ceteris factionis suæ Episcopis ac præprimis Bajonensi monstrasset.